



30.10.2008

Suoma sámedikki dearvvahus sámi konferensii

Gudnejahtton sámi konfereanssa sáttagottit, buorit árvoguoossit.

Sállošan, ahte Suoma sámedikki dearvvahus sámi konferensii boahdá ná maŋŋelgihtii ja dušše čállaččat, muhto diehtoboatkagiid geažil Suoma sámediggi ii lean ožžon dárkilit dieđu dearvvahussága doallamis. Sámi konfereanssas leat guhkes ja ánsolaš árbevierut sámiid oktilašvuoda, oktiigullevašvuoda ja álbmotservodaga ráhkadeamis. Dán jagi sámi konfereansa joatká dáid gutnálaš árbevieruid. Sámiráđi riikkaidgaskasaš doaibma ja fierpmaiduvvan vuhtto earenoamáš bures seminára prográmmas ja olu riikkaidgaskasaš áššedovdiid oassálastimin kultárbevierrovahku prográmmii.

Sámi konfereansa ja dan oalgedáhpáhusat addet gokčevaš gova sámi kultuvrras ja dan máŋgga-beallásaš kultuvrralaš árbevierus. Sámi kultuvrra máŋggabeallásaš čalmmusteapmi lea dehálaš earenoamážit sámiid ruovttuguovllu olggobealde, gos orrot olu sámit. Dákkár dáhpáhusaid bakte dahkat sámi kultuvrra dihttoma odđáigásaš gávpotkultuvrra lunddolaš oassin.

Sámi kultuvra čohkke juohke njealját jagi sámi servviid ovddidit sámi álbmotservoša ovdáneami ja ráhkadit oktilaš- ja oktiigullevašvuoda sámi álbmoga gaskavuhtii. Mii sápmelaččat eallit njealji riikkas ja sápmelaččain leat olu oktavuodát riikkarájiid rastá. Dákkár dáhpáhusat dárbbahuvvojit nannet dán oktilašvuoda.

Sámi kultuvrra njeaiga čuhcet máŋggalágán deaddagat. Earenoamáš hástaleaddji lea dorvvastit sámi kultuvrra ja giela boahtteáigi sámiid ruovttuguovllu olggobealde. Sámi iešráđdenorgánat eai daga vejolažžan dárbbahassii bures vuodjit sápmelaččaid sajádaga sámiid ruovttuguovllu olggobealde. Ášši ferte divvut lánkaásahemiin ja resurssaiguin. Sámi searvvit leat sámi kultuvrra ja sámegiela áŋgiris ovddideaddjit maiddá sámiid ruovttuguovllu olggobealde. Searvvit fáallet sápmelaččaide vuoŋŋastanbáikki ja kultuvrralaš čujuhanrámma sihke veahki ja doarjaga iežas vuoigatvuodaide ovddideapmái. Dávjá váhnemat báhcet muđuid aivve akto vuodjit mánáideaset vuoigatvuoda iežas gillii ja kultuvrii.

Leat beassan gullat, ahte dáppe Roavenjárggas leat ovddideame ja buorideame sámegeiela oahpahu-
sa. Dát lea guhká vurdojuvvon ja sávvojuvvon ođas ja sávan ahte Roavenjárga livččii dán áššis ov-
damearkan maid eará sámiid ruovttuguovllu olggobeale suohkaniidda.

Okta guovddáš sámi konfereansa fáttáin lea kulturárbbi máhcaheapmi. Min ávnnaslaš kul-
turárbbamet lea lávdan viidát Eurohpa sierra museaide guhkás eret sámi duovdagiin ja sápmelaččaid
olatmeahttumii. Kulturárbbi máhcaheapmi lea dehálaš ášši ja lea buorre, dát ášši ii báze dušše sámi
museaid ja sámedikkiid áššin ja sámi álbmot ja searvvit čájehit oktasaččat ahte min kulturárbbi
galget máhcahuvvot sámiid ruovttuguvlui.

Dáiguin sániiguin buvttán sámedikki dearvvahusa sámi konferensii. Sávan álbmotservodagas gievr-
ras signála maiddái min sápmelaččaid álbmot välljen orgánaid guvlui mot mii sáhttit doarjut ja ovd-
didit sámi servviid ja álbmotservodaga ja makkár sávaldagat dis leat min sámedikkiide.